



28. juli 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. **Sooq upernaag 2023 inuttalersuisarnej pillugu nalunaarutip nassuiaatitaa allanngortinneqarpa?**
 - a. **Inuussutissarsiortut aammalu inuussutissarsiummik kattuffiit tusarniaqqaarnagit inuttalersuineq pillugu nalunaarutip allatut nassuiarneqarnissaa sunik peqquteqarpa?**
 - b. **Inuttalersuisarnej pillugu nalunaarutip allatut nassuiaatitaata allanngortinneqarnissaa kiap aaliangigarivaa?**
 - c. **Siusinnerusukkut inuttalersuisarnej pillugu nalunaarutip nassuiaatitaata ajornartorsiutit suut kingunerimmagit, nassuiaatip allanngortinneqarnissaa pisariaqartinneqalersimava?**
2. **Kalaallit ukiorpassuarni nunatsinni avataasiortuni inuttaasimasut, maanna avataasiortuni inuttaasinnaajunnaarnerat Naalakkersuisut qanoq isumaqarfigaat?**
 - a. **Inuttalersuisarnej pillugu nalunaarutip nassuiaatitaata allanngortinneratigut umiartortut qassit Naalakkersuisunit eqqugaassangatinneqarpat?**
3. **Nalakkersuisut suliamut tunngasunik paasissutissanik allanik paasissutissiisinnappat?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Kalaallit aalisariutaanni inuttalersuisarnej pillugu Namminersornerullutik nalunaarutaat nr. 13, 17. november 2011-imeersup (Inuttalersuisarnermut nalunaarut) ukiorpassuarni oqaasertai allanngortinneqarsimangillat. Sunali pissutigisimanerlugu Naalakkersuisut/GFLK-p nalunaarutip nassuiaatitaa uani upernaami 2023 allanngortissimavaat. Eqqarsarluarnerorpasinngilaq, ajoqutaarujussuarlunilu inuussutissarsiummut aammalu imarsiortunut.

Pingaartumik ajornartorsiutaavoq inuttat angerlarsimaffeqarsimangitsut piffissami aalajangersimasumi imaluunniit allamik peqquteqarlutik ilisimaneqanngitsumik adresseqarsimasut atorfinitsinneqarsinnaajunnaarmata. Maannakkut inuttat Kalaallit Nunaanni ukiuni marlunni aalajangersimasumik najugaqarsimassapput inuttanngussagunik. Tamassuma kinguneraa, kalaaleq angut arnarluunniit aqagu aalajangersimasumik najugaqaleruni, pineqartoq aatsaat avataasiortuni sulilersinnaalluni ukiut marluk qaangiuppata.

Eqqarsaatigilluarneqarsimangilluinnartutut isikkoqarpoq, kingunerissammagumi, kalaallit pikkorissut sulinissaminut akornusersorneqarnerannik, akerlianillu pisortat ikiorsiissutaannik assigisaannilluunniit inuussuteqalerlutik. Kialluunniimmi soqutigisarinnangilaa – pingaartumik eqqarsaatigalugu, inatsimmik



DEMOKRAATIT
DEMOKRATERNE

allannguisoqannginnera, uuminngaannarli, allaffissornerujussuarmi tassanngaannaq inatsisip nassuiaatitaata nutaangortinneqarneranik.

Kalaallinik imarsiortunik pikkorissunik arlalinnik naammattuugaqarpunga, ikisinnaajunnaartunik. Ugguaarnarpoq kalaallinut aammalu kalaallit suliffeqarfiutaannut. Soorluli imaattoq, Naalakkersuisut/GFLK-p uani pineqartumi kalaallit soqutigisaat akerlilersoraat, tamannalu paatsiveerusimaarnarluinnarpoq.

Ullut suliffiusut qulit iluanni apeqqtinnut akissutisinissara qilanaaraara.